

欽定四庫全書

子部

明堂灸經卷

一至八



南京中医药大学图书馆版权所有

欽定四庫全書

子部五

明堂灸經

醫家類

提要

臣等謹案明堂灸經八卷題曰西方子撰不知何許人與銅人針灸經俱刊于山西平陽府其書專論灸法銅人惟有正背左右人形此則兼及側伏較更詳密考唐志有黃帝十二經明堂偃側人圖十二卷茲或其遺法歟

其曰明堂者錢曾讀書敏求記曰昔黃帝問岐伯以人之經絡盡書其言藏于靈臺之室洎雷公請問乃坐明堂授之後世言明堂者以此今醫家記鍼灸之穴為偶人點志其處名明堂非也今考舊唐書經籍志以明堂經脉別為一類則曾之說信矣古法多鍼灸並言或惟言鍼或言鍼以該灸靈樞稱鍼經是也自王燾外臺秘要始力言誤鍼之害凡鍼

法鍼穴俱刪不錄惟立灸法為一門此書言
灸不言鍼蓋猶燾志也乾隆四十六年十二
月恭校上

總纂官臣紀昀陸錫熊臣孫士毅

總校官臣陸費墀

正人頭面三十六穴

頭部中行四穴

上星在顱上直鼻中央入髮際一寸陷容豆日灸三壯
至百五壯止多灸拔氣令人眼闇主頭風頭腫皮腫
面虛鼻塞頭痛面赤腫目眩痰瀝振寒熱汗不出目
睛痛不能遠視

顱會在上星後一寸陷者中日灸二七壯七日停初灸
之即痛五十壯不痛主療鼻塞不聞香臭頭風痛白

肩起多睡驚癇戴目上不識人目眩面腫

前頂在顙會後一寸半骨陷中主頭風熱痛頭腫風癇
小兒驚癇面赤腫鼻多清涕項痛目眩

百會在前頂後一寸半頂中心灸百五壯即停三五日
訖繞四畔以三稜針刺令出血以井花水淋之令宣
氣通頻灸拔氣上令眼闇主脫肛風癇青風心風角
弓反張羊鳴多哭言語不擇發時即死吐沫心中熱
悶頭風多睡心煩驚悸無心力忘前失後喫食無味

頭重飲酒面赤鼻塞目泣出耳鳴聾

頭第二行三穴

五處二穴在頭上去上星傍一寸灸五壯止主目不明
頭風目眩脊強反折瘈瘲癰疾頭痛

承光二穴在五處後一寸明堂云二寸不灸

通天二穴在承光後一寸半灸三壯主項痛重暫起仆
僵鼻塞喘息不利口喎僻多涕𩑦衄有瘡

頭第三行三穴

臨泣二穴在目上眥直入髮際五分陷者中主風不識
人風眩鼻塞腋下腫喜齧頰胃痺心痛不得反側瘧
日西發脇下痛胃痺目翳多淚

目窻二穴在臨泣後一寸灸五壯主諸陽之熱逆頭痛
寒熱汗出不惡寒目眩瞋唇吻強上齒齲痛目外眥
赤眊眊遠視不明

正營二穴在目窻後一寸灸五壯主諸陽之熱

正面部中行七穴

神庭在髮際直鼻上督脈上一寸髮際灸二七壯至百
壯主腫氣風癰癩風不識人羊鳴角弓反張披髮而
上歌下哭多學人言語驚悸不得安寢頭痛喘渴目
不可視目泣出鼻清涕出

素膠在鼻柱端不宜灸

水溝在鼻柱下人中灸三壯主消渴飲水無多少水氣
徧身腫失笑無時節癰癩語不識尊卑乍喜乍笑牙
關不開面腫唇動葉葉肺風狀如蟲行寒熱頭痛喘

渴目不可視鼻不聞香臭口喎僻不能開水漿不禁
瘡不能言寒熱卒中惡風水面腫

兌端在唇上端灸三壯主唇吻強上齒齲痛主癰疾吐
沫小便黃舌乾消渴衄血不止

斷交在唇內齒上斷縫灸三壯主鼻塞喘息不利鼻喎
僻多涕衄血有瘡鼻息肉鼻頭額頰中痛鼻中蝕瘡
口不能禁水漿喎僻口噤不開項如拔不可左右顧
面赤頰中痛心煩痛頸項急小兒面瘡久不可

承漿在頤前下唇之下宛宛中灸四十九壯停四五日
灸多則恐傷陽明脈斷令風不差此艾炷止一分半
大主癢偏風口喎面腫消渴面風口不開口中生瘡
目眩瞋小便黃或不禁消渴嗜飲及暴啞不能言

廉泉在頷下結喉上舌本間灸三壯主舌下腫難言舌
癰涎多欬嗽少氣喘息嘔沫口禁舌根急縮下食難

面部第二行六穴

曲差二穴俠神庭傍一寸半在髮際灸七壯主心中煩

滿汗不出頭項痛身熱目視不明

攢竹二穴在眉頭陷中不灸

精明二穴在目內眥外頭畔陷者宛宛中不灸

巨髎二穴夾鼻傍八分直瞳子蹻脈灸七壯主療風寒

鼻準上腫癰痛招搖視占瘕癰口僻目淚出多赤痛

養生白翳覆瞳子

迎香二穴在禾髎上一寸鼻孔傍五分不灸

禾髎二穴直鼻孔下夾水溝傍五分寸主鼻塞口僻鼻多

清涕出不可止鼻衄有瘡口噤不開

面部第三行五穴

睛白二穴在眉上一寸直瞳子主目瞳子痛癢遠視眈
眈昏夜無所見目系急目上挿頭目痛目眇背膝寒
慄

承泣二穴在目下七分直瞳子不灸

四白二穴在目下一寸灸七壯主頭痛目眩目眇淚出
多眦內眥赤痛癢生白膚翳目瞶動不息

地倉二穴俠口傍四分外如近下有脈微動者是日灸
二七壯在肝七七壯艾炷如二分若大令人口轉喎
如欲治灸承漿七七壯忌房事毒食主偏風口喎失
音不言不得飲水漿食漏落脈潤動

大迎二穴在曲頷前一寸二分骨陷中動脈灸三壯主
口噤不開引鼻中口緩不收不能言口失欠下牙齒
痛惡寒寒熱頭痛瘰癧口喎數欠氣風癱口噤牙疼
頰頷腫惡寒風壅面浮腫目不閉唇潤動

面部第四行三穴

本神二穴在曲差傍一寸半髮際一云直耳上入髮際

四分主痛癰疾嘔吐涎沫小兒驚癇

絲竹空二穴在眉後陷中不灸

瞳子髎二穴在目外去眥五分

又名太陽又名前關

銅

人云可灸二壯西方子曰不可灸

面部第五行五穴

頭維二穴在額角髮際本神傍一寸半不灸